



SLUŽBENE NOVINE

KANTONA SARAJEVO

Godina XXV - Broj 15

Četvrtak, 23. 4. 2020. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 4. stav (1) tačka i) Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća ("Službene novine Kantona Sarajevo", broj 39/08, 19/11 i 45/15), Vlada Kantona Sarajevo, na prijedlog Kantonalne uprave civilne zaštite Kantona Sarajevo, na Osmoj sjednici održanoj 09.04.2020. godine, donijela je

UREDBU

O DOPUNI UREDBE O ORGANIZOVANJU SLUŽBI ZAŠTITE I SPAŠAVANJA I JEDINICA CIVILNE ZAŠTITE SPECIJALIZOVANE NAMJENE KANTONA SARAJEVO

Član 1.

(Dopuna člana 5.)

U Uredbi o organizovanju službi zaštite i spašavanja i jedinica civilne zaštite specijalizovane namjene Kantona Sarajevo ("Službene novine Kantona Sarajevo", broj 30/13 i 29/19) u članu 5. u tački c) iza riječi: "JU Opća bolnica "Prim. dr. Abdulah Nakaš", dodaju se riječi: "i JU Zavod za hitnu medicinsku pomoć Kantona Sarajevo".

Član 2.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-9610-5/20

09. aprila 2020. godine

Sarajevo

Premijer

Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 13. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine

Kantona Sarajevo", broj 38/14 - Prečišćeni tekst, 38/16, 44/17 i 28/18), Vlada Kantona Sarajevo, na Osmoj sjednici održanoj 09.04.2020. godine, donijela je

ODLUKU

O VISINI KOEFICIJENTA ZA OBRAČUN PROSJEČNE NETO PLAĆE OSTVARENE U KANTONU SARAJEVO U 2019. GODINI

I

(Predmet)

Ovom Odlukom se utvrđuje visina koeficijenta za obračun prosječne neto plaće ostvarene u Kantonu Sarajevo u 2019. godini, koja služi kao osnov za utvrđivanje novčanih i drugih materijalnih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38-14 - Prečišćeni tekst, 38/16, 44/17 i 28/18) (u daljem tekstu: Zakon).

II

(Visina prosječne neto plaće)

Prosječna neto plaća ostvarena u Kantonu Sarajevo u 2019. godini objavljena u Saopćenju o prosječnoj isplaćenoj mjesečnoj neto plaći zaposlenih u Kantonu Sarajevo za 2019. godinu ("Službene novine Kantona Sarajevo", broj 6/20) iznosi 1.153,00 KM (u daljem tekstu: prosječna neto plaća).

III

(Visina koeficijenta)

Visina koeficijenta iz tačke I ove Odluke iznosi 0,6071, a što je 60,71% od prosječne neto plaće.

IV

(Osnov za obračun)

Osnov za obračun novčanih i drugih materijalnih davanja po članu 13. Zakona je prosječna neto plaća pomnožena sa koeficijentom iz tačke III ove Odluke i iznosi 700,00 KM.

V

(Prestanak važenja ranijeg propisa)

Stupanjem na snagu ove Odluke stavlja se van snage Odluka o visini koeficijenta za obračun prosječne neto plaće ostvarene u Kantonu Sarajevo u 2018. godini ("Službene novine Kantona Sarajevo", broj 42/19).

VI

(Stupanje na snagu)

Ova Odluka stupa na snagu prvog narednog dana od dana objavljivanja u "Službenim novinama Kantona Sarajevo", a primjenjuje se od 01.04.2020. godine.

Broj 02-04-9610-6/20
09. aprila 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14) i člana 34. stav (1) i (3) Pravila Javne ustanove "Fond Memorijala Kantona Sarajevo" ("Službene novine Kantona Sarajevo", broj 26/19), Vlada Kantona Sarajevo, na Osmoj sjednici održanoj 09.04.2020. godine, donijela je

ODLUKU

**O DAVANJU SAGLASNOSTI ZA IMENOVANJE
VRŠIOCA DUŽNOSTI DIREKTORA JAVNE
USTANOVE "FOND MEMORIJALA KANTONA
SARAJEVO"**

I

Daje se saglasnost v.d. Upravnom odboru Javne ustanove "Fond Memorijala Kantona Sarajevo" da se Delalić Mirsad imenuje za vršioca dužnosti direktora Javne ustanove "Fond Memorijala Kantona Sarajevo", na period od najduže 3 (tri) mjeseca.

II

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-9610-7/20
09. aprila 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na Devetoj sjednici održanoj 13.04.2020. godine, donijela je

ODLUKU

**O STAVLJANJU VAN SNAGE ODLUKE O
IMENOVANJU INVESTICIONOG MENADŽERA ZA
(INVESTICIONU INSTITUCIJU) MINISTARSTVO
FINANSIJA KANTONA SARAJEVO**

I

Ovom Odlukom stavlja se van snage Odluka o imenovanju investicionog menadžera za (Investicionu instituciju) Ministarstvo finansija Kantona Sarajevo ("Službene novine Kantona Sarajevo", broj 16/19), kojom je Amel Kovačević imenovan za investicijskog menadžera (Investicijska institucija) Ministarstvo finansija Kantona Sarajevo.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-9916-5/20
13. aprila 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i 37/14 - Ispravka), Vlada Kantona Sarajevo, na Osmoj sjednici održanoj 09.04.2020. godine, donijela je

RJEŠENJE

**O IMENOVANJU PREDSTAVNIKA KANTONA
SARAJEVO ZA ČLANA PROJEKTOG ODBORA ZA
PODRŠKU POLJOPRIVREDNOM I RURALNOM
RAZVOJU IPA 2018 PROGRAM: "PODRŠKA
EVROPSKE UNIJE ZA KONKURENTNOST
POLJOPRIVREDE I RURALNI RAZVOJ U BOSNI I
HERCEGOVINI (EU4AGRI)"**

I

Imenuje se Safet Hasković, stručni savjetnik za projekte u oblasti razvoja poljoprivredne proizvodnje u Ministarstvu privrede Kantona Sarajevo, za predstavnika Kantona Sarajevo u Projektnom odboru za podršku poljoprivrednom i ruralnom razvoju IPA 2018, program: "Podrška Evropske unije za konkurentnost poljoprivrede i ruralni razvoj u Bosni i Hercegovini (EU4AGRI)", broj ugovora 2019/413-765.

II

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-04-9610-22/20
09. aprila 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 4. Zakona o ministarskim, vladinim i drugim imenovanjima ("Službene novine Federacije BiH", broj 12/03, 34/03 i 65/13), Vlada Kantona Sarajevo, na Osmoj sjednici održanoj 09.04.2020. godine, donijela je

RJEŠENJE

**O RAZRJEŠENJU DUŽNOSTI V.D. ČLANA
UPRAVNOG ODBORA JAVNE USTANOVE "FOND
MEMORIJALA KANTONA SARAJEVO"**

I

Lejla Redžović, razrješava se dužnosti v.d. člana Upravnog odbora Javne ustanove "Fond Memorijala Kantona Sarajevo", na lični zahtjev.

II

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-04-9610-10.1/20
09. aprila 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), a u vezi sa članom 25. Zakona o ustanovama ("Službeni list RBiH", broj 6/92, 8/93 i 13/94) i člana 19. stav (3) Odluke o osnivanju Javne ustanove "Fond Memorijala Kantona Sarajevo" ("Službene novine Kantona Sarajevo", broj 28/18 i 11/19), Vlada Kantona Sarajevo, na Osmoj sjednici održanoj 09.04.2020. godine, donijela je

RJEŠENJE

**O IMENOVANJU NA POZICIJU V.D. ČLANA
UPRAVNOG ODBORA JAVNE USTANOVE "FOND
MEMORIJALA KANTONA SARAJEVO"**

I

Na poziciju v.d. člana Upravnog odbora Javne ustanove "Fond Memorijala Kantona Sarajevo" imenuje se Arben Isufi.